

Bonbiní! Den e promé boletin informativo di 2021 akí nos ta informá bo di e último notisianan tokante penshun.



Blòg di e presidente

PCN ta deseá bo un 2021 felis i salú!

Na promé lugá mi ta deseá abo i bo sernan kerí pa medio di e boletin informativo akí, tambe na nòmber di tur kolaboradó i direktiva di PCN, un año nobo felis i salú. Nos ta spera un año nobo, den kua ban spera ku mundialmente nos ta keda salbá di e vírùs di Corona.

Na PCN kada dia di nobo nos ta hasi nos esfuerso pa bo penshun. Awor òf mas aweró bo tin derechi riba dje en todo kaso, sea ku bo ta traha den gobièrnu, den enseñansa òf den kuido. Nos ta kuida bo plaka bon i ta haña importante tambe pa invertí un parti di e plaka di penshun – bo prima di penshon - lokalmente. Den e boletin informativo akí bo ta lesa por ehèmpel tokante invershonnan resien na Saba. Lástimamente nos no a logra kaba nos edifisio pa ofisina nobo den 2020 mes. Pero na komienso di 2021

e kolaboradónan di nos administrashon lo bai okupá e edifisio di ofisina nobo. Tin notisia ménos agradabel tambe. Pa motibu di e tasa di interes persistentemente abou abou, bo akumulashon di penshun ta baha den 2021; di 1,75% pa 1,32%. Gustosamente nos ta splika bo kon esaki ta hinká den otro i ta mustrá bo pa medio di un ehèmpel di kalkulashon, kiko esei ta nifiká den práktika.

Bo tin pregunta tokante e informashon den e boletin informativo akí òf bo kier sa mas tokante bo penshun? Tuma kontakto e ora ei ku nos. Manera bo sa bo por alkansá nos masha fásil via Facebook. Gustosamente nos ta tende di bo!

Harald Linkels, *Presidente*

Bo akumulashon di penshun ta baha den 2021. Kiko ta kiko?

Kada año bo ta konstruí un pida penshun. P'esaki abo i bo dunadó di trabou ta paga prima di penshun. E prima total di tur partisipante di PCN huntu no mag suma mas di 22% di e salarionan. Esaki ta loke sindikato- i dunadónan di trabou den e Konsulta di Sektor Hulanda Karibense a determiná den 2010 i establese den e akuerdo di penshun. E prima nunca por ta mas ku e 22% mensioná. Te ku awor bo tabata konstruí kada año na penshun, 1,75% di e base di penshun. Esei ta bai kambia.

Konstrukshon di penshun 2021

E altura di e prima rekerí pa tene bo konstrukshon di penshun na nivel ta ser determiná pa gran parti pa e interes di merkado. Esei ya pa un temporada basta largu ta hopi abou. E prima rekerí

pa mantené e akumulashon di penshun di 1,75% pa año, pa e motibu ei lo mester subi i mester suma mas di 22%. Pero e Konsulta di Sektor a palabrá e tempu aya ku esei no tin mag. Pa e motibu ei bo ta konstruí ménos penshun den 2021 ku promé ku esei. Na lugá di 1,75% bo ta akumulá 1,32%.

Bo ta baha ku penshun denter di poko? E ora ei bo no ta ripará nada di esaki. Pa tur partisipante ta konta: bo a akumulá te ku 2020 anualmente 1,75% na penshun. Nada no ta kambia den esaki. Ta entrante 2021 numa e akumulashon di penshun mas abou ta konta; no ku forsa retroaktivo.

Kontinuashon riba página 2 >

Ehèmpel di kalkulashon

Suponé ku bo ta gana \$40.000. Bo a konstruí e ora ei den **2020** un suma di **\$431,20** na penshun. Si e aña akí atrobe bo traha henter aña pa e mes salario, e ora ei bo ta konstruí den **2021** un suma di **\$325,25** na penshun.

Spilikashon:

E salario anual ku ta duna derechi riba penshun ta \$40.000. Den 2020 bo base di penshun tabata pues: $\$40.000 - \$15.360^* = \$24.640$. Riba e parti akí di bo salario bo konstruí penshun. Bo akumulashon di penshun tabata suma pues: $1,75\% \times \$24.640 = \$431,20$.

Den 2021 bo base di penshun ta: $\$40.000 - \$15.360^* = \$24.640$. Bo akumulashon di penshun ta suma e ora ei pues: $1,32\% \times \$24.640 = \$325,25$.

*Riba e parti akí di bo salario t'asina ku ya kaba bo ta risibí AOV mas aweró – e parti akí yama franchise.

Tantu e penshun di sobreviviente, di wérfano komo di invalides ta basá riba e penshun di behes ku lo alkansá (si bo a sigui traha te na bo penshun). Pa e añanan despues di 2021 ta bolbe sali di 1,75%, pasobra esei por lo pronto ta keda e punto di salida. Ta revisá esaki kada aña di nobo. Den e ehèmpel di kalkulashon akí e penshun di invalides den 2021 ta pues **\$105,95** (= \$431,20 - \$325,25) mas abou. E penshun di sobreviviente ta bira **\$74,17** (=70% di \$105,95) mas abou i e penshun di wérfano ta bira **\$14,83** (=14% di \$105,95) mas abou.

I kiko awor?

Sindikato- i dunadónan di trabou den e Konsulta di Sektor Hulanda Karibense ta evaluando si e akuerdo di penshun di 2010 ta kuadra ainda ku e desaroyonan aktual. Posiblemente nan lo hasi otro palabrashonnan. Esei por tin influensia riba e akumulashon di penshun den futuro. Si hasi palabrashonnan nobo, nos lo informá bo al respekto e ora ei.

SIFRANAN KLAVE 2021

E prima di penshun pa 2021 ta 35,6% di e salario bruto. Di esaki e dunadó di trabou ta paga dos terser parti (23,7%) i e empleadonan un terser parti (11,9% pa e trahadó).

E franchise pa 2021 ta igual na e franchise 2020 (\$15.360). Esaki ta pa motibu ku e AOV riba e islanan no a subi entrante 1-1-2021.



Miembro di direktiva nobo

Desde novèmber 2020 nos direktiva ta konta ku un miembro di direktiva nobo: **Gilbert Cijntje**. Señor Cijntje ta sucesor di Valdemar Marcha ku a fungi dos término komo miembro di direktiva. Señor Marcha tabata forma parti di nos direktiva for di òktober 2010 i a ehsé su funshon komo dirigente ekselentemente. E sindikatonan uní a proponé su sucesor. Previo na esei a tuma lugá un evaluashon profundo di e papel ku miembronan di direktiva di PCN mester ehsé. Nos ta yama nos miembro di direktiva nobo un kaluroso bonbiní.

Edifisio di kantor nobo pa PCN

Manera a bisa kaba, nos edifisio di kantor nobo ta kasi kla. Nos kolaboradonan di atministrashon ta muda mas pronto posibel pa e edifisio nobo. E resepsion pa bishitante ta keda den e edifisio bieu. Pa motibu di e reglanan di Corona ku ta na vigor, bo por pasa solamente despues ku traha un sita. Naturalmente nos ta alkansabel pa tur hende telefónikamente i via e-mail i nos página di Facebook durante oranan di ofisina.



PCN OFISINANAN

Bonaire office

Kaya General Carlos Manuel Piar #5, Bonaire

T +599 717 09 84

E info-bonaire@pensioenfonds-cn.com

Sint Eustatius

Mazinga Square, Oranjestad, Sint Eustatius

T +599 318 32 18

M +599 416 68 60

E info-statia-saba@pensioenfonds-cn.com

Saba

T +599 416 68 60

E info-statia-saba@pensioenfonds-cn.com

Online

F facebook.com/PensioenfondsCN

I www.pensioenfonds-cn.com

BO KIER BAHA MAS PROME OF MAS LAT KU PENSHUN?

Gustosamente nos kier trese un biaha mas na bo konosementu ku serka PCN ta posibel pa adelantá òf posponé bo fecha di penshun. Adelantá ta nifiká ku bo por baha ku penshun for di ora bo kumpli e edat di 60 aña. Tene na kuenta si ku pa kada aña ku bo adelantá, bo ta konstruí un aña ménos penshun. Tambe bo ta risibí un pago di penshun mas abou (mas òf ménos 5% pa aña) i ku e penshun ku bo a akumulá ta bira mas òf ménos 5% mas abou. Posponé ta nifiká ku bo ta te mas despues numa bo ta baha ku penshun. Esaki ta maksimal sinku aña despues di bo edat ku ta duna derechi riba penshun. Kada aña ku bo posponé, bo ta konstruí un aña mas penshun i e penshun akumulá ta oumentá ku mas òf ménos 5%.

E resultadonan eksakto ta dependé di bo situashon personal. Bo no por reklamá ningun derechi basá riba e porsentahenan menshoná. Si bo tin pensá di adelantá òf posponé bo penshun e añanan benidero, e ora ei nos por hasi un kalkulashon personal pa bo. Traha un sita ku nos pa esei.

Bo kier laga bo penshun kuminsá mas tempran? E ora ei nos ta supliká bo pa bisa nos esaki seis luna promé ku e fecha deseá di inisio. Nos atministrashon tin mester di e tempu akí pa regla tur kos.